

三原縣新志卷之八

知縣焦雲龍重修

邑人賀瑞麟編纂

雜記第八

三原省城之屏衛北道之要衝也秦漢以下事涉縣境者史不絕書而兵燹尤多吾民其苦矣設備列之有以知往近遭回禍慘毒益烈雖危堞克保而四野凋殘不詳顛末後之人又何以爲思慮預防之道至於災異乃洪範咎徵亦人事所當謹或有事係一邑利弊仍可與前篇相發而遺文瓌義且足警俗則並雜錄之以附於後其無關體要者弗濫贅

周桓王六年秦甯公二年徙居平陽遣兵伐蕩社三年與亳戰

亳王奔戎遂滅蕩社

史記秦本紀

顯王五年秦獻公二十一年秦敗三晉之師於石門斬首六萬賜以黼

黻之服通鑑綱目○按石門見地理又按趙世家作石阿與秦紀異

楚義帝元年漢王還定三秦賜周緤食邑池陽史記蒯成侯傳○按漢書師古注卽馮翊池陽縣

漢惠帝四年置池陽縣漢書地理志○按古池陽縣境斥大今乾州醴泉涇陽三原皆是後所載池陽

事蹟是否在三原境內無可詳稽因縣舊名姑並存之

武帝建元三年帝微行北至池陽漢書東方朔傳

新莽時張竦陳遵同客池陽竦爲賊兵所殺

獻帝興平元年四月三輔饑帝移保黃白城補三國疆域志詳見地理

七月李傕出屯池陽陳遵傳

安帝永初五年三月避羌寇遂移安定徙美陽北地徙池陽後漢書

書西羌傳

晉懷帝永嘉五年劉曜攻陷池陽掠萬餘人載歸長安晉書載記

愍帝建興元年四月詔麴允屯黃白城以拒趙染通鑑

劉曜寇長安晉始平太守據黃白城以拒之晉書載記

八月漢中王曜趙染攻麴允於黃白城累戰皆敗詔索綝為征

東大將軍將兵助允通鑑

三年七月作青白城晉書愍帝紀○按十六國疆域志謂即黃白城

十月曜轉寇上郡麴允去黃白城軍於靈武通鑑

穆帝永和六年八月羌酋白犢屯黃白城降於苻健通鑑

九年秦苻健皇始三年十月秦丞相雄與清河王法及左衛將軍飛分

討孔特十一月雒克池陽斬孔特十六國春秋○按綱目特作持

穆帝升平元年秦主苻堅永興元年夏四月秦將苻黃眉等及姚襄戰三

原擊斬之通鑑○按通鑑胡註苻堅於嶽驛山北置三原護軍

孝武帝太元九年秦建元二十年六月秦主堅步騎二萬討姚萇於北

三原縣新志卷八

地曹魏文帝僑置於次於趙氏塢即今趙氏河與北地頻陽相接馮翊游欽聚

眾數千保據頻陽今富平○晉書前秦載記

安帝元興十二年秦主姚泓永和元年六月赫連勃勃遣兄子提南侵池

陽車騎姚裕前將軍彭白狼建義虵元卻之晉書後秦載記○張志按勃勃都甯

夏據榆林在原邑正北故曰南侵

十四年正月傅宏之大破赫連瓚於池陽通鑑

後魏明帝孝昌三年蕭寶夤逆亂毛鴻賓立義柵捍賊元利志謂即永

安所置北雍州亦謂之鴻賓柵

明帝改北地郡為北雍州三原縣為建忠郡北史毛遐傳○按

在孝昌武泰之間

莊帝永安元年於三原縣置北雍州元和志

孝武帝永熙二年自三原縣永安故城徙北雍州

宋敏求
長安志

周韋孝寬拒破齊神武文帝嘉孝寬功進爵建忠郡公周書獨本傳

孤信子陀以信勳封建忠縣伯邑五百戶周書獨孤信傳○張志按周無建忠縣其

云縣伯者爵之次第也

隋煬帝大業九年右勳侍池陽劉宏基避遼東之役亡命晉陽

通鑑○按唐書地理志三原縣武德四年曰池陽

唐高祖武德元年以渭北白渠旁民棄腴田分給南北衙兵號

元從禁軍後老不任事以其子弟代謂之父子軍新唐書兵志

武德三年冬閏十月戊辰帝獵於清水谷遂幸三原高祖本紀

武德五年十二月丙辰校獵於華池之萬壽原白鹿現帝親御

弧矢射而獲之周府元龜庚申至自萬壽原高祖本紀○張志按宋敏求長安志永康陵在

三原縣豐原萬壽鄉則萬壽即豐原也

三原縣新志 卷八

武德八年十一月癸丑獵於華原北原十二月癸酉至自華原

高祖本紀

太宗貞觀十三年正月乙巳拜獻陵丁未至自獻陵太宗本紀

貞觀十八年二月幸壺口張志按壺與瓠同瓠口即焦穫村落偪側問其受田

丁三十畝遂夜分而寢憂其不給詔雍州錄尤少田者給復移

之寬鄉周府元龜

貞觀二十三年詔三原李靖墳塋制度依漢衛霍故事築闕象

突厥內燕然吐谷渾磧石二山貞觀政要本傳

元宗開元十七年冬十一月己亥帝拜獻陵元宗本紀

德宗興元元年三月李懷光奪李建徽陽惠元等軍屯好畤今乾

州然其下稍稍攜貳泚始憚之至是遂欲臣懷光懷光怒告絕

益不安乃益兵掠涇陽三原富平遂如河中唐書李懷光傳

憲宗元和十年十一月盜焚獻陵

舊唐書憲宗本紀

武宗會昌元年冬十一月帝幸涇陽校獵白鹿原

舊唐書武宗本紀○按藍

田亦有白鹿原此云涇陽則三原之白鹿原也

信宗廣明元年曹知愨

官者

以黃巢陷長安集壯士築堡嵯峨山

通鑑數遣人變服入長安斫賊賊驚疑不自安

綱目

中和四年田令孜

官者

遣邠岐將王行瑜潛師自嵯峨北乘高龔

攻知愨營合營盡殪

通鑑○按令孜忌知愨之功也

昭宗乾甯二年七月指揮使王行實李繼鵬反上幸李筠營護

蹕都頭李居實帥眾繼至或傳王行瑜李茂貞欲自來迎車駕

上懼為所迫以筠居實兩都兵自衛幸石門鎮

通鑑

辛亥車駕還

宮舊唐書昭宗本紀

史儼唐乾甯中從討王行瑜儼率百騎護駕石門

周府元龜

三原縣新志 卷八

四

天復二年正月朱全忠屯三原

通鑑

二月戊寅上以久駐兵車於

三原乃議東歸遂取高陵櫟陽左馮翊入於蒲津

編遺錄

秋八月

李周彝以鄜坊兵救岐屯於三原懷英擊走之

五代史康懷英傳

梁開平二年華原賊帥溫韜聚眾嵯峨山

五代史溫韜傳

宋太祖開寶三年九月詔西京唐高祖德武諸帝陵嘗被盜發

者有司備法服常服各一襲具棺槨重葬所在長吏致祭

宋太祖本紀

紀

明太祖洪武二年三年郭子興將輕騎直擣奉元守將棄城走

御史桑哥失里郎中王可檢討阿失不花三原尹朱春俱抗節

死明通鑑綱目○按朱公與妻俱投崖死詳祠記

世宗嘉靖二十五年八月套虜三萬餘人入寇越延安府至於

三原涇陽殺掠人畜無算

世法錄

莊烈帝崇正四年二月宜君賊趙和尙等犯涇陽三原三月陝盜劉五可天飛據鐵角城混天飛獨行狼等聚蘆保嶺眾各萬餘分犯平涼固原耀州涇陽三原 按是年流賊窺涇原鄉紳焦中丞源溥馬侍御逢皋及涇陽王司理徵倡立忠統募鄉兵在縣北城守禦時來陽伯復備兵河南聞警卽遣親丁策應

忠統日錄

七年四月洪承疇進師岐山駐三原七月慶陽賊南下烽火徹

三原涇陽耀州富平

八年二月癸未賊入秦中約六七萬西安諸縣並遭蹂躪

以上俱紀事本末

十年正月李自成同過天星蠟子塊寇三原官軍不敢出相持

值孫傳庭統曹變蛟至連戰七日賊敗蠟子塊降李自成與過

三原縣新志卷八

五

天星奔秦州

後鑿金錄

十一年二月李自成屯汧陽爲曹變蛟左良玉戰敗乃夜走武

功咸陽至三原又分兵往西番族帳中掠馬

延綏鎮志

十六年冬十月李自成陷西安以西安爲長安榜掠巨室助餉

紀事本末邑中縉紳拘囚死者甚多其尤烈者宣府巡撫焦源清抗

節七日不食死

明史焦源清傳附

其舌支解之

明史本傳

冀甯道參政喬魏與表弟王伯達僕人王崇德同日被戮

通志

諸生考案列一二等者檄令受職惟楊大魁抗

志不屈

張志

揚州府志

當賊初至時邑諸生孫枝蔚與其鄉少年奮戈逐賊落深塹得不死乃走江都

國朝康熙十四年慶陽土寇亂犯三原攻馮家堡邑人常日贖往援之堡獲全

詳日贖傳

同治元年四月髮逆由南山竄入逼近省城知縣余庚陽募勇守城髮逆旋東颺同華等處回匪乘閒作亂煽誘各縣回民五月十三日竄陷高陵十九日焚掠縣東鄉陂西鎮及各村堡二十一日焚掠大程王店二鎮時城中奸回將謀內應有偵知者二十六日卯刻鄉團宋成金等率眾入城襲之午刻逃回糾合涇陽高陵回匪圍攻縣城是日焚掠南關二十八日西北關相繼失陷連日分撲東關北原洪水陵前各鎮團勇星夜赴城入守六月初三日富平援勇馳抵城下奮擊圍解初十日賊復來圍攻三日十九日復來圍攻三日俱經城上團勇擊退二十八日復磨集東關外焚青東坊廟火光燭天因城中有備次日西竄後分股焚掠東西南三鄉仍時來城外遊奔七月十五日團長翟學安帶勇百名直抵党家橋誘賊至南門外城內團勇齊出東關復出疑兵合擊敗之八月二十一日賊由西鄉擾北原外委馬得喜督勇截勦賊敗四竄追至涇陽李家莊而還二十五六數日賊由東鄉焚掠東北原陵前鎮一帶蓋賊巢數處去原不遠一在涇陽永樂店塔底一在高陵十三村自官軍駐原十三村專擾邑東鄉及東北原塔底賊圍攻涇陽屯營四路絕涇糧道九月二十日陝安鎮總兵成祿來接駐兵三原往涇餽糧一次後以賊眾道梗不得達涇陽連番告急十一月二十五日官兵領團勇復往餽糧轉至中途被賊邀擊傷斃官兵二百餘人團勇七百餘人十二月初三日五更涇陽遂陷十四日

欽差幫辦大臣雷正綰兵至涇陽賊遁十五日雷正綰令成祿留守涇陽雷軍仍駐三原議令團勇守城官兵出戰二年三月馮元佐率勇數千與賊戰於十里鋪元佐敗走死者千餘人

賊益猖獗時來攻撲官兵屢次迎擊魯橋鎮一戰斬獲爲多賊又乘閒屢竄北原馬額洪水等鎮殺傷尤慘九月初五日

欽差大臣多隆阿由東路進勦收復高陵直搗涇陽賊巢雷正縮亦督兵夾攻斃賊無算餘賊西遁直竄甘肅縣城解嚴

自高陵變起城防益急邑人張怡繩劉維均等首倡諸商捐銀八千餘兩稟官立同德局招募鄉勇賊攻南城宋成金開礮擊

之復連撲西城流犯毛某手刃數人賊皆不得逞遂攻東關富平援勇楊先和等遇賊於賓陽橋大破之成金因礮烘帶傷官

賞以千金又賞先和等三千金時城中團勇數千人北鄉各團亦多來守城城圍則有英烈英雄威武忠義安吉太平恭武三

義威武得勝諸名領團首士則舉人王襄武舉方國柱岳震川武生牛振海舉人相里捷生員侯寶三武舉牛捷元生員張彥

三原縣新志 卷八

善貢生管鴻生員張振剛武舉楊逢春軍功王寶三武生惠登

雲潘思寬州吏目劉繼芳從九翟學安張彥彪張萬鵬武承瀚武生郝起騰李廷佐武生郝起螯而外委馬得喜及邑侯長公

子余作寅四公子余 長公孫余安國次公孫余安定分督之官兵既至供億日煩籌餉維艱同德局既撤一歸防堵總局

官命首士李瑄楊克恭等專辦局務以備軍儲是役也費白金幾三十萬兩雖孤城無虞而縣舊隸五百餘村俱遭殘破僅存

東里菜王二堡鄉城及難民共被害二萬六千三百八名除已據採訪入前人物外猶有殉難男女可考者附存於此其餘均

經歷次以打仗陣亡被執不屈忿激自盡三等查報分別 旌卹建坊入祠矣則不可得而志者亦可不恨其無聞也

張洙拒賊死梁統投水死雷文葳投城死生員姚起華同母王氏被焚死斬聯甲自縊死武生党玉純守西關城陷自刎死生員馬瀛妻晁氏

自縊死賀荃辦團被害王坤妻安氏梁隨和妻秦氏董炳陽女
丙姐皆自縊死生員秦連妻晁氏罵賊焚樓死之生員李述
先及弟敬先妻梁氏並子女投井死生員賈敬修及妻王氏自
縊死其母李氏罵賊被害梁維先與弟生員緝先姪生員密臣
及其家屬二十三俱殉難死武生武振西小里村堵賊死生
員薛應垣以護母死温楫同妻張氏投井死楊習魁連斃二賊
以力竭死劉治與弟炳子永桂俱投井死李天中妻羅氏投井
死馬健元妻李氏王士忠妻 氏及兒婦郭氏俱自縊死廩生
李樹敏妻周氏仰藥死縣丞王日照妻柳氏女醜生員王塏妻
氏女東雲王恩照及妻楊氏容照妻汪氏王培妻晁氏女青
姐王鏡照繼照妻劉氏王執王植樞妻劉氏植蓉妻秦氏
植桂俱投井死張連升孫錫俱被害死侵復李崧馬賊死温爾
訓妻房氏自縊死生員張澄與弟澈俱殉難死張毓穎妻熊氏
舉人温謙妻張氏俱被害死呂嗣文高陵人隨團打仗死李錦
與子夢麟投水死王士選與妻曹氏仰藥死王國正妻常氏王
士模妻王氏俱自盡死潘義春隨團打仗死郝太昌張天祥守
河岸中鈴丸死楊清臣孫一仁俱守城擊賊火發死貢生張聯
奎生員馮越千生員馮文輝俱罵賊死劉俊侃與三子俱禦賊
被害死張志綸辦公遇賊死王文敏妻張氏趙永興妻張氏但
被崖死王秉壬白縊死張連魁拒賊不勝死傅興才領鄉團奔
守縣城遇賊北門外殊死戰賊圍殺之同被害者十一人崔應
君李彥財劉銳王錫勇黃祿俱罵賊死周長春張鄭祥隨團拒
賊不勝死劉興王錫劉大會俱被害死李貴守東里堡中鈴丸死
薛楹拒賊遇害李義張玉懷李發樊永清姚花俱護城遇害李

三原縣新志 卷八

納羅廷右韓四姓張月興月隆王得榮俱禦賊不勝死唐國英
劉生芝皆護父遇害耿善德護兄與姪大朋皆遇害趙福德關
賊死張見禮殺賊一人旋被害崔廣聚妻侯氏安述玉母姚氏
馬步齡妻惠氏皆投井死王錫福救父遇害生員安述玉承投井
死安學純禦賊死郝自道郝慶郝九霄皆隨團堵賊遇害團首
王思明以賊勢眾多急上城樓擲磚下擊賊登城逐之墮地罵
不絕口賊寸磔之王文邦妻郝氏鄧生文妻王氏罵賊死王
李善問被執不屈死鄧士林救父隕命鄧忠義妻姚氏罵賊死
趙順清妻劉氏投崖死趙貴安拒賊遇害王德順闖賊不勝死
安貴琮拒賊力盡死王新春妻王氏被執罵賊死王樸守父疾
不去賊至同被害王金平闖賊不勝死王池陽救祖天泰被
王模妻王氏被脅不屈死劉鳳有護父遇害劉實清榮隨團打
陣亡張心鴻拒賊死生員楊恆宣護母遇害劉思恭母李氏宋
釗妻王氏俱罵賊死侯克讓母王氏自縊死侯奉璋護祖遇害
王宗澍妻崔氏投水死王文興打仗陣亡王朝豐救母遇害王
允吉同妻 氏護祖母劉氏俱遇害劉朝揆妻張氏護姑遇害
生員周崇文不屈死李振彪妻尙氏遇害死郭恆仁范克供朱
志立皆拒賊遇害王廷桂妻羅氏投井死淡士清七十一歲賊
至諭以理不聽遂大罵死之何必義拒賊被斧破腦死喬文澄
守北關東門城陷死之時堂弟文渙文潔文瀾同日被害梁殿
成母老無日賊至守母不去被害王文德妻姜氏賊殺文德大
罵賊賊強脅嚙賊罵愈烈賊怒殺之任致祿隨團打仗死武生
鞠起賢李廷和皆禦賊陣亡陳永祿力戰死張珂守河岸被縊
死生員慕永沛隨舉人王襄打仗陣亡管文輝郭廷梅與子

今管元祿管源管澄管繼聖俱隨圍堵賊遇害張恩有與弟思
榮子西哥俱馬賊遇害王慶喜王璉俱關賊死張廷隆李學書
雷記林崔六吳十王益公俱打仗死黑大魁與妻李氏罵賊死
張彥清女水仙罵賊死周含英妻趙氏罵賊死生員田席珍守
北關被害王炎打仗死猴步霄步雲步漢俱隨圍堵賊遇害李
大焜防堵魯橋鎖遇害周居寅同子川貴堵賊陣亡張桂守城
遇害曹祺賊至以石擊之被執大罵賊遂倒繫樹上砍其頭去
曹欽可妻聶氏罵賊死曹成新護母遇害曹若桂妻馮氏投河
死田樹僕馬某救主母遇害死曹天永業儒年十五穢罵賊並
擊以挺不勝死之曹誥被執罵賊死趙跟自母張氏罵賊死唐
玉林馮涇趙魁皆拒賊遇害死姚自春陣亡張家瑞祖母梁氏
罵賊死狐守謙妻李氏投井死王光裕守北關遇害李蔭棠與
父鈞守小里村河岸賊至鈞帶傷蔭棠護父賊恨分其屍死馬
鉞救母李氏不勝與妻溫氏同被害姚登壽妻黃氏投井死黃甲妻
堃俱拒賊陣亡張芝護劉大信柳子德暢長起皆打仗陣亡孫應
康氏自縊死張嘉興劉大信柳子德暢長起皆打仗陣亡孫應
宣妻勾氏護姑被害賀錫光殉父朝臣死李震白大鶴石景岱
李順李俊秀張繼茂呂宗正件曰瑚件生財管金兒賈鳴鴻趙
含輝石書清石遇惑石基泰石興石永發石凌玉鄧肯德俱陝
西鎮打仗陣亡李乃濟打仗遇害賈仲選被執不屈死石福金
福銀福均俱打仗遇害譚延槐郝大成介玉書鄭世金翟永信
俱打仗陣亡朱永茂護母被害張雙桂路清貴路清林焦起好
焦永清俱護村被害武建有護父力關被鎗死武直泰母屈氏
武述禮妻惠氏俱罵賊死武生呂學仁封喜忠張學成馬彥順

三原縣新志 卷八 九

王化清王德清陳房俱打仗陣亡楊黑戒子王鳳朝張天成趙
惠白成均毛祥張世英王洪祿姚懷春俱拒賊遇害徐秉錫徐
月朗劉魁俱充勇陣亡張洲黃天祿黃玉俱打仗陣亡李居年
蒙魁周老四王嘉祿康殿元李德薄劉萬信党同魏琳惠炳仁
雷培田楊福祿王長興王廷秀楊吉泰吉祥俱拒賊遇害蔡春
有郝金義樊科兒俱打仗陣亡潘廷直罵賊死朱三秦奉母逃
深溝母渴取水遇賊力戰死之張繼盛禦賊死段汝聰母石氏
罵賊死羅書貴羅德全羅生彩羅學貴張大彥俱堵賊死張時
諒八十五歲罵賊死張效元與弟效鎮張起魁張儒兒劉世祥
俱禦賊被害李生學罵賊死李廣玉廣智堵賊遇害景曰疑牛
克儉趙唐慶餘慶俱打仗陣亡趙世祥年八十六歲罵賊被支
解趙曰敏曰保俱罵賊死尉正魁母郭氏守節五十六歲罵賊
投河死張振遂妻鍾氏被掠不從投崖旋因傷身故判允堂長
女自盡死趙永甯趙會元趙口孝俱堵賊被害任立勤妻張氏
立佐妻楊氏投井死邢孟貴罵賊死趙口恆薛福德劉聯慶張
盛李永太永興永和丙全俱投井死貨叔子伯兒被執不屈死
嫂段氏投井死劉步朝妻王氏劉聯第妻段氏李金連妻羅氏
劉科妻羅氏陳大方妻毛氏陳春生妻秦氏春發妻樊氏李永
祿妻劉氏劉英妻張氏劉春元妻張氏李永剛妻楊氏俱投井
死李春發被執遇害張昌文妻范氏罵賊自盡管丙寅藥賊遇
害符善孝與村宋氏罵賊死符善煜守繼母極不去賊至將焚
柩大罵之賊怒斃其頭繫樹上賈怡顏妻孫氏扶姑避賊賊至
抱姑投崖死符承福女雙娥年十歲救母遇害張其德符善景
俱禦賊遇害符承福妻劉氏罵賊死李成義李懷清皆遇害

大昌妻曹氏間賊自盡岳銘塔賊遇害馬映萱妻吳氏賊
不從抱子投井死張煥奉母逃涪化杜家嘴猝遇賊將刃母
急以身蔽母奮拳毆賊仆地羣賊怒環刃之妻姚氏投深溝死
其母章氏亦被傷死温世隨年八十八歲遇賊格鬪被重傷死
張爾照同治六年四月捻逆驟至同村眾守禦不勝被害其兄
生員爾煜被執拷索銀洋煙子叔妻魏氏哭訴釋父拷益急魏
氏大罵懷抱女賊并殺之爾煜亦受重傷死六月拾逆又來爾
煜次子靖忿激投水死張登被執不屈遇害死張嵩繼妻喬氏
自盡王液妻汪氏同姪秉哲妻魏氏秉懿妻汪氏俱救母遇害
死傅坤妻仇氏嫂仇氏俱罵賊死蓋月蕙因兄老不避回至同
遇害王某逸其名雜髮為僧王戌六月遇賊唐村北門外赤手
鬪賊奪不傷數賊賊益眾矛斷三節力竭被殺賊梟其首掛樹
上劉朝林年六十遇回賊責以大義賊以刀加頸無懼色無屈
詞遂被害范士奎年五十餘回至令牽馬奎罵曰豬賊敢令我
牽馬耶遂頭觸死馬前生員吳勉之富平設伏援團眾潰賊圍
攻不動罵賊遇害侯思昌遇髮逆責以大義賊怒用火焚死秦
廷柱妻任氏西關陷罵賊不屈死梁斌北關陷與繼母陳氏俱
投井死子永春及梁純先皆被執死生員張錫齡因兄老不離
賊至被殺張天有楊罕希禦賊被害周道士兒守堡拒賊被害
都閫府銜周瑞麟漢中打賊陣亡韓林發禦賊被害薛治泰王
興元興順俱投崖死蘆守善張登霄楊永福馬大同王登照皆
禦賊力竭死邢金聚王貴封張永耀岳孟守俱高陵打仗陣亡
岳啟璋守堡禦賊力竭死王景才王思善樊成采楊耀在縣北
門外打仗死王思恭罵賊被賊刺雙目死劉傑禦賊不勝死薛

三原縣新志 卷八

全德蔡純有郝全義建木匠鄭車戶解六記兒俱在縣北門外
打仗死鄭解尤勇猛臨行焚紙自誓以死敵愾秦金榮禦賊不
勝退守窖口被賊薰斃手猶執戈不釋王起瑞賊至村眾皆避
地窖惟不見老嫂持劍遍尋猝遇賊輒罵之為賊奪劍砍死
生員郝積祥妻張氏聞警投井死魏維蕭罵賊被亂矛刺死涇陽
同治六年遇拾匪力鬪不勝死魏維蕭罵賊被亂矛刺死涇陽
送糧團勇死者斗清太張東哥高占經姚景全賈保慶楊菊兒
藍學發聶元龍張鳳翔王江王海王振江趙根兒陳掇兒趙萬
興萬才李廷壽魏應魁陳百鴻陳景才薛萬甯孫居有石明川
石仲才李雲南段居州段德祿黨跟成康元順王思義魏金發
李天祥雲齡兒韓中具白重輝王温張世坤張發姚文昇武生
牛振海張玉合王令王遇道賀朱娃蕭興財張清魚生鱗魚大
焉李芝剛石清泉李勤李芝培劉思瑶李春榮春輝任知清田
中仁楊金連姚自維殷新發邢元禧郝萬春閻興才韓福壽安
學昌李文清王玉暢王玉才朱林孟忠廷王文興韓樹魁賀忠
誠田大錫曹忠連曹忠陵張彥魁秦德新張大成秦德興黃德
王伯有王翼秀王貴雷海吳生麒生麟魏彥龍柴杰馮邠州馮
智生邑令余哭以詩曰嗚呼我義勇白戰竟陣亡健兒好身手
讓血委道旁傷在爾肢體痛在我肝腸一聞凶信報涕淚滂衣
裳嗚呼我義勇同仇志何切渠憺守孤城氣吞花門賊露宿
兼風餐甲冑生蟻蝨辛苦已備嘗寒暑歷九月嗚呼我義勇
予亦處兩難不令爾出隊誰為珍封貓必令爾出隊恐受刀箭
被圍久餓殍紛盈城遣爾餽糗糧共敦恤鄰情一聞牙帳令

躍齊登程 嗚呼我義勇負戶馳鼎州我心懸望久鎮日立譙
樓忽驚氛亂起潰卒奔未休可憐歸路側紛紛殉吳鉤 嗚呼
我義勇隊長領成行名曾登桂籍躬或列膠庠壯志同敵愾挽
弓射天狼夫何智力窮慷慨死沙場 嗚呼我義勇情慘竟若
此或有衰白親或有黃口子祇因激義憤荷戈而赴死存者何
所依死者何能已 嗚呼我義勇更有情堪傷廬舍被賊焚者
屬被賊戕本欲報家仇乃竟為國殤戴天原不共泉下應難忘
嗚呼我義勇昔曾觸科條一聞回匪叛同應團營招擊賊效
敬冕督軍募孟瑤鬼薪名未脫竟逐遊魂飄 嗚呼我義勇屍
骸橫窟凸涇原卅里路賊匪尚馳突近可殮邱狐遠仍防回鶻
何日道途通始能收爾骨 嗚呼我義勇予正缺軍餉左支旋
右絀兼籌爾卹賞縱能措千金一人祇錄兩涓涓何所濟不堪
代設想 嗚呼我義勇予獨難為情祇期勞爾力豈期戕爾生
隣爾向太苦酬爾何太輕誅文一試作握筆淚縱橫 嗚呼我
義勇幽明已永隔官民本一體况視屍裹革灑涕會寅僚紳矜
咸愴惻臨風陳不腆同酌爾教魄 嗚呼我義勇罔或時怨恫
生既為人傑死當作鬼雄冥途奮殺賊 助我奏膚功忠烈姓名昭永世垂無窮

四年正月十三日回賊轉竄涇河渡縣城戒嚴二月撫標中軍
彭體道督兵追勦賊仍西遁縣城解嚴

三原縣新志 卷八

七

五年冬捻匪由潼關南原竄入華陰渭南諸縣被擾六年復竄
渭北東西蹂躪數十州縣七月十二日過縣南時靖安營劉效
忠駐原出兵追擊之遇伏陣亡百餘人

災異前史多統言三輔雍州關中則三原亦在其中然謂宜詳
見通志今特取其屬三原者列於篇

漢王莽建國二年池陽縣有小人景長尺餘或乘車馬或步行
操持萬物大小各相三日乃止 漢書五行志

唐睿宗景雲元年十一月曲赦三原縣 按此及下三條非災異別無所附姑仍舊志

元宗開元三年三月京兆三原縣澆井出 澆井不鑿自成王者清靜則應見宋志

天寶九載二月甲戌獻陵柏樹盡垂甘露 以上三條俱見冊府元龜

文宗太和元年八月詔三原縣百姓今年秋青苗錢並放免

武宗會昌六年八月葬武宗辛未靈駕次三原縣夜大風行宮

樓城火唐五行志

明世宗嘉靖三十四年十二月壬寅陝西地震聲如雷渭南三原等處尤甚或地裂泉湧中有魚物或城郭房屋陷入地中或平地突成山阜或一日數震或累日震不止官吏軍民壓死者甚多五行志是月以地震頒帑金恤之華州志

神宗萬曆四十四年六月二十二日大雨如注五六日涇陽縣口子鎮人見有羊相鬪忽化為龍橫截峪口須臾而下推激大石如萬雷聲兩傍山為之動直抵雲陽至三原越龍橋而過澗沒百里漂七十餘村白渠以北鮮有存者數月平地水方盡賈中丞通志

崇正十三年大饑邑人食榆皮草木殆盡餓殍盈野尸填盈溝李志

三原縣新志 卷八

國朝順治五年三月甲辰地震從東北至西南其聲若雷戊申又震李志

康熙元年六月大雨六十日清河水漲諸谷皆溢前志

三十一年連遭大旱三不登民飢逃散多就食鄰省後賴賑救散者復聚李志

五十九年陝西旱饑 欽差漕運總督施世綸 題准由黃

河輓運豫糧入秦又請將湖廣荊州等處各倉米十萬石由襄陽水運至商州龍駒寨陸運至西安接濟荒民又動戶部庫銀西安府十五萬兩由驛遞運送散賑地方又陝屬常平倉存貯糧石動用自散賑之日起至麥收之日止大口每日米三合小

口每日米二合總漕親至三原駐貢院內點名給散張志

嘉慶二十年三月十六日大雪 九月二十日夜地震

二十四年四月初六日大雪

道光十四年四月初三日夜雨雹傷麥東鄉尤甚

十九年四月初二日大風晝晦

二十六年大旱無禾明年又無麥餓殍滿路

二十九年秋七月二十九日夜大雨濁峪河漲漂沒樓底鎮東寨五堡廬舍蕩析傷男女近百人畜數十

咸豐二年正月初旬將旦滿天紅光如火移時乃散正月二十二三日晝晦霾

五年三月二十三日北原雨雹傷麥

十一年五月二十六日彗星見西北方尾長二丈餘四十餘日同治元年正月十六日東鄉各處聞屍氣一二日 四月北原人傳屢夜聞村外兵馬聲潛出視之不見 六月賊攻城忽旋

風如車輪直衝賊營 秋七月初一日彗星見西方十四日夜

有星數十相率奔西南久之不見 秋冬至明年大疫傷人無

算 十二月初四日涇陽失陷大風終日霧沙昏塞不可見人

二年十二月十六日大雪三日多凍死者

三年夏秋至明年鼠兔食田苗幾盡

四年正月十四日大風雪難民多凍死者 三月初一日黑霜

殺苗 閏五月二十七日太白晝見有狼食殺男女及孩童無

算牛疫至一家七八頭全斃者自亂後至今皆時輕時重處處有之

七年正月二十三日五鼓有星自西北南奔忽散如小星數十若墜狀光氣燭天所過一道皆青碧雜色頃之天狗鳴有聲如雷起東北至西南止是年三月高軍門駐北山爲親兵所殺

九年二月三十日黑霜又雪冷甚殺麥苗

十二年十一月初九日大雪二日樹多凍死 十二月 日白

虹貫日

光緒三四兩年晉豫秦皆大旱三原斗麥至錢一千七八百文
餓斃無算

五年五月十二日寅刻地震 多鼠至傷秋禾幾盡

自回亂初平百姓逃者多不能歸閒歸者率食蓬子度日搭草
為屋知縣余公庚陽見其凋敝殊甚詳稟上憲 奏請蠲緩征

徭詳文云 竊惟正賦必供實奉上之大義民艱宜恤亦難困之

輔及南山一帶州縣無不遭其擾害而卑縣尤甚緣卑縣為北
山要口介於高陵涇陽之間兩寇巢穴相距縣城僅二十里或
三四十里迨高陵涇陽相繼失陷賊匪倍形猖獗除攻撲城垣
外無日不在四鄉游奔無日不在四鄉焚掠以致縣屬五百餘
村僅存東里菜王二堡此外則屋宇盡成灰燼田園盡為荆榛
民人之橫遭屠戮者難以萬計今幸賊匪遠竄危城克保境內

三原縣新志 卷八

十四

甫清卑職屢經出示招集流亡而復業者甚少其閒有歸田者
則皆棲身無所糊口無資贏瘦之狀目不忍觀卑職因公下鄉
見夫井里凋劫人烟稀少竊以愛戀田廬人之恆情今當大難
既平之後胡乃甘作流備留滯異鄉不思還里修治農業查問
其故則曰恐派差徭也恐徵錢糧也卑縣平原地畝現並無人
過問惟北原間有議價出售者每地一畝索價錢二三百文而
買主仍復遲疑不受查問其故則曰恐派差徭也恐徵錢糧也
卑縣前此絕產向例以親族領受納糧今以絕產給予親族或
則謂服制已遠或則謂服制已盡類皆飾詞推諉堅不承領查
問其故則曰恐派差徭也恐徵錢糧也卑縣田多之家皆招佃
戶租種除收租外仍令佃戶納糧並賃有押租錢文今則佃戶
無不退田並向業主索取押租業主或許以減租或徑行免租
而佃戶仍不肯承種查問其故則曰恐派差徭也恐徵錢糧也
也卑縣富戶全恃貿易每家僅有墓田數十畝皆給予守墓之
人耕種並不取租祇令納糧今則守墓之人無不告辭富戶雖
許以資助仍不肯留查問其故則曰恐派差徭也恐徵錢糧也
也夫問舍求田農人本願若乃甘於委棄而毫無顧戀誠以回
匪沿村焚戮逐戶搜查或父兄被戕而僅留子弟或子弟被戕
而僅留父兄或夫男被戕而僅留婦女或丁壯被戕而僅留老
弱甚至有家全家被戕者則耕作之人既少犁耙鋤鋤之器無不
被其焚燬牛馬騾驢之畜無不被其擄掠以及水渠無不填塞
莊房無不殘破則耕作之資全無加以饕餮不繼種籽難購必
念兩年之積欠逆計來年之新賦一經種田所收不敷完納必
至空受比責則不如委棄田園之為愈也且百姓困苦之極

更難言矣勞勞子遺男子無不綴泣婦人無不懸帛以及鴿面
鳩形盈於道路臥則呻吟坐則愁歎立則敬側行則顛踣卑職
日視心傷五思有以延其殘喘並將一切善後事宜次第辦理
正擬籌款賑卹適因辦理軍餉尚未舉行此時遺黎方且仰望
夫撫字豈可嚴督以催科古人云追呼尚不忍况乃鞭扑之卑
縣現今百姓之情狀正復類此且即使沿門追呼拘案鞭扑亦
必不能完納顆粒微收分毫不過驅之逃而已促其斃而巳緣
卑縣去年夏禾正值麥秋悉被回匪蹂躪兩年秋禾並未布種
一角開有麥苗悉被回匪蹂躪兩年秋禾並未布種來年夏禾
近城及偏僻地方於九月賊竄後始稍有所種然已不及時且
零星隱約統縣屬三十里合計不及百分之二又因得無力
多委於荒烟蔓草之中現今四鄉隴畝滿目蒿萊一望而知誠
有非可以美言文飾者查道光二十六年卑縣曾遭旱災蒙前
撫憲林 奏請緩徵後會未豁免賴有富戶及小康之家
馬桑梓代為完納今則富戶及小康之家資財多遭焚蕩加以
指辦捐輸已屬筋疲力竭難望其再行義舉况兵燹之災較旱
災更慘逾百倍卑職奉任地方當此時事孔艱豈不知庫款支
絀軍需緊要苟可勉力開徵亦冀接濟兵精於萬一况以私計
而而言卑職之廉俸各役之工食以及夫馬工料無不取給於錢
糧雷支苟可勉力開徵於公事亦可免掣肘無如環顧四鄉哀
鴻遍野蒿目之下徒嗟扼腕焦灼萬分寢饋俱廢再四思維惟
有不揣冒昧仰懇大人逾格鴻施准將卑縣同治二年以前民
欠地丁糧石及一切應徵各項轉請無憲 奏請豁免並將來
年上忙 奏請緩徵俟秋禾布種再行察看情形分別等差辦

三原縣新志 卷八 十五

理夫人情示以可畏則爭避釋其所慮則樂從使凡茲難民一
且聞有豁免緩徵之信未歸者必將盡返鄉閭已歸者必將力
耕田畝萬井凋敝可以漸完兆姓瘡痍可以漸起既已樂
夫甦困自必勤於奉公而將來之新賦亦可仍還全額矣

同治二年十二月十三日奉 上諭同治元二兩年錢糧概

行豁免 四年四月二十三日奉 上諭同治三年錢糧概

行豁免 六年七年八年九年十年十一年及光緒元二二三等

年舊欠錢糧歷奉 上諭概行豁免

同治三年春邑侯余公籌議撫卹散給闔邑牛種民稍安集

鄉詩云為撫瘡痍早示期縱逢風雪亦奔馳虞人會獵猶難爽
耆老要言豈可欺編帶連翻深沒蹀玉樓高聳凍含肌沿途寒
景增愁慘轉羨家鄉訪戴時 連村遞入步徘徊滿目淒涼盡
劫灰暮靄庭堦堆瓦礫寒風院落舞蒿萊絕無鷄犬緣牆走祇
有狐狼嘯野哀那怪流傭歸里少棲身難覓怎歸來 百家祇
剩十餘家慘慘鴻鰥夕照斜舉火都炊烏味草披衣如擁白
花半餐不飽兒啼戶八寸同悲婦縮髮井里凋殘胡至此春
景象諒無加 破牀風雨歷多年小住重逢陋室綠門缺
簾作補榻橫全壁竈相連紳耆只可當簷謁僮僕休嫌席地
多少殘黎皆露宿使君得此尚淒然 凋剝更有廢村荒一二

遺氓拜寺傍，草柳堪宮。柴几斷，炊何處。覓茶香，莊嚴氣象無。
全相金碧，禪言只應。神佛難逃，兵燹擾可。歎浩劫大茫茫，人
劫火燒來，遍四鄉。四鄉蹂躪，各殊方。東南地產空，衰草西北人。
烟半夕，陽判案難尋。文立學館，詎經惟有武官坊。保全翻賴耶，一
教懶愧儒生，縮綬長。疏哇，麥隴平。獨勵丹渠，填亂骨。至今洪水
咽悲聲，堯堯孤寡。知多少，兵燹休言此。地輕地轄，城南十里
遙喪延，鄰境最蕭條。賊巢氛逼，驚高塔。戰壘雲連，接小橋。新鬼
頻間寒，月哭殘。燐紛逐，晚烟飄。只因豕突，時來往第宅。爾林一
片焦，原四鄉。到處招紳民，屬告都。教造用陳，萬戶生靈。程馬草
千陸，原陽步龍鱗。口分將作，春耕補頭。會還期，夏調均。地契被
焚，須另緒。不愁需索，篆花銀。慈峨峰，火燭高山。男婦臨危，節
義關，馬賊不難。搜白刃，殉親太慘。是紅顏，全家被害。宗應繼，孤
子無，依命最難。披開須防，疎漏失免。教存歿，淚潛潛。傷心最
是荷，戈夫為救危。城結隊，趨半載。守牌齊，敵愾一朝。遇賊竟，捐
軀薄，田小屋。猶存否，寡婦孤兒。不餒無此輩，尤須詳註。冊我將
加意，束生芻。糧多原可領，多銀慎勿。絲毫溢，券根縱是。詭謀
欺，揀吏須防。重賦累兒孫，小康自有耕。耘力單，劣方希。浩蕩恩
但望，秉公持寸管。陰功都在冊，中存紳民不厭。耳嘈嘈，鶴鬢秋
陳詞，義最高。旅店恨難，供口膳。新春愧未進，年糕羣。蓬鶴鬢，秋
霜滿，並嘆魚軒。逝水酒防，禦不周。宜我怨，殷勤反。憫使君，勞
強顏，更慰我愁腸。競說他鄉，遜此鄉。野採堪，充諸葛。葉穩生，還
盼禹餘糧。馬通炊釜，添旁勃。獸炭售錢，伐豫章。似此謀生，殊可
憫。聽來暗想，轉神傷。一村落，臨別一遠。巡小立，留言勸。四民何

三原縣新志 卷八 十一

幸天心能悔，禍應期世道。旱還涸，花門悍俗。皆前鑒，部屋印風。
即好春，孝弟力田。須共勉，中與額。手慶吹，幽。羸駘未肯少，淹
雷經，費惟艱。尚待籌十日，休言勞。僕馬一心，總是望。民鳩何人
廣掘，延陵水。沿路頻看，谷口流。瑞雪送迎，如有約。遺氓應可逐，
天麻，其巡賑。詩云：征驂越莽，復穿林。環顧重添，憫惻深。萬戶
生靈，齊引領。三家村落，最關心。不嫌策馬馳，荒徑為恐。哀鴻
遠岑，十載未曾。巡到境，此番無處不親臨。鞭絲帽影，逐風行。
羸馬，繩羈不計程。縱見穉田，仍色喜。重經戰壘，輒心驚。柔條尚
少藏，鷺葉荒隴。難聞叱犢聲，攜用點名。無坐處，緣陰憑。石召遺
氓，行法仗名儒。田雖結甲，難膠柱。戶僅零丁，久待舖財。皆上類，考
亭下，跪教余。仰屋屢踟躕，千秋忠義。炳綱常。眷屬尤須訪，問
詳寡，鵠飲冰。何慘怛，孤雛啼。月最淒涼，黃泉也念安。家產紅貼
應加，計口糧。庶使煢煢，含淚輩。一盂麥飯，灑墳旁。綠莎崖畔，
碧溪，旁問有風。抽宿麥，長縱使。楚楚齊，推秀。薛期餅，餌。遠蘭香。
窮簷，尚苦炊。烟斷，瘠土還多。蔓草荒，漫說此鄉。災稍淺，也應文。
貸恤，流亡。次第呼名，按簿知。無名須更察，瘡痍。但看鵠面，形
真粹，定是魚鱗。用偶遠，千隊點。軍猶易記，一村閱。窺。豈敢欺，好
將半印，平施。徧出納，休教請。有司。年年寄，產種不。麻方。哥相
連錯，犬牙試看。四鄉懸，詔侶誰。非三品，納租家。流。唐更有樓，枝
借邦，族常懷。啄黍嗟，此輩均。須分潤，到仍愁。窳卻楚，亭瓜。散
財總，是為農。田入手，奚堪。妄用指，他使龍。鱗滋。草葦。定追半。散
示滿，鞭災。氓藉哺，兒孫。粥債主，休催。子母錢。元氣。祇今。猶未。復
尚須，相勸。復相憐。官紳參，議握權。衡嗜利，難消。逐臭。情大。抵

見錢都有瘠豈知分昨總須平使君方愧牛羊牧爾輩胡持鼠
雀爭訴訟前來皆立判免教赴縣曠春耕四鄉周歷印鴻泥
而月歸來趁馬蹄烏犢漸從山嶺至青蚨爭向市門攜衝塵那
指鞍鞵泥入郭羣驚面目驚且喜連番春雨足大家從此好扶
犁公有池陽吟草多紀城防時事士民已刊板以行茲不詳錄

差徭舊以里甲輪支亂後邑侯余公籌立永遠局辦支差務

楊克恭等具稟為奉諭籌支差徭懇請詳核以蘇民困事緣原
邑差徭向係藉資民力三十里各甲分年輪值謂之現年照各
甲糧單大小起運其中不無偏累民已難堪况經兵燹凋殘更
甚田廬蕪沒人烟稀少加以雨澤不時鼠兔為災聞有禾苗損
傷殆盡如更責派差徭勢必逃散四方委填溝壑且以待斃之
災黎使之供役情亦不忍然西陲逆回尙未殄滅大兵過境正
需供給又流差衝繁應接不暇若不設法籌辦不免貽誤公務
某等前奉鈞諭妥商籌支茲會集公議惟有設立官櫃一法自
買車馬備用不累民不誤公庶為兩便而經費不給亦難集事
茲有富紳鹽提舉銜李瑛慨念邑民凋敝公事拮据情願捐銀
三千兩以作買辦車馬之資但人夫工食牲口養喂不能不別
籌款項查原邑車驟腳戶本以駝載客商貨物圖利從前每遇
差出不免受強拉之累今擬止令腳戶量出腳用每驟一頭抽
錢五十文每驢一頭抽錢二十五文別無勒索嗣後永不准強
拉該腳戶等亦欣然樂從而官櫃之工食養喂庶有所出亦於
脚戶為便至於祭陵閱邊以及隨後偶有兵差一俟民困漸復

三原縣新志 卷八

七

此三項仍須藉資民力歸問邑通支無須照前各甲分值若目
下則仍由官櫃籌辦其餘雜差則永遠歸官櫃承接不以一毫
攤派擾民此非立案勒石則積久或廢所有奉諭籌議章程謹
用稟明核奪並請轉詳上憲批示立案則原民幸甚幸甚同治
三年十一月巡撫劉公批云據稟各條均屬妥協仰布案二司
轉飭遵照立案勒石並令各官紳嗣後務須認真經理不得日
久生懈廢弛致有侵挪情弊貽誤差事仍將選派官櫃城門常
川經手紳士姓名開呈以專責成並將每年收支銀錢數目及
現置車馬價值花帳發交某商本銀一千歲獲息銀若干逐細
按年具報以備查核倘所派紳士並不善為經理即當稟明更
換毋得徇私自便致干咎戾 又自撰碑記勒石局門

解納錢糧例用庫平庫色民閒悉以市平市色完交平餘相沿
每兩正銀增多五錢四分邑侯余公痛憫災黎特為酌減歲省

民六千金 出示云諭各戶人等知悉照得軍餉孔亟本縣

加體郵此大徵收錢糧仍照去年冬每正銀一兩外減
善耗一錢四分合行牌諭為此諭該花戶等一體週知

同治八年署巡撫劉公 奏請酌減平餘各州縣普減三成三

原照以邑令余公減定之數又減三分徵收數年十二年巡撫

邵公又 奏請平餘分成酌減量子變通三原前撫所減之數不減時邑侯朱公竟復余公所減之數每正銀一兩平餘外又增多一錢四分而民困益甚矣光緒四年山左焦公來莅吾邑訪悉民隱嗣經紳士稟請詳敘顛末一仍余公舊規每正銀一兩外減舊耗一錢四分闔邑頌德復勒碑通衢以示久遠

張志他省賦冊皆筭於戶掾原邑獨有書手司之一人二里歲繕徵賦冊二帙布政司總冊六七頁每里出口食銀十二兩其鬻田丈量得田者有資推糧更名者有資鄉試之年提取書手入闈每名每里助銀五六兩書手在省轉雇不過三四兩尙有餘例應隨年更換乃利之所在據爲世業逐年勒增竟至三十餘兩民間額出十五人之銀其實十一二人包攬而已乾隆三十六年生員申鵬祥同眾呈懇知縣崔龍見闔之駭曰是豈非

無額之賦乎立即嚴禁止循舊規十二兩歲省一千餘金

張志邑之催糧向係戶首每里雖有一差不過督其延緩之弊里資口食銀五六兩二三年里差四出催徵勒索亦至三十餘兩尙有酒席受比錢諸名色生員申鵬祥同眾呈懇知縣崔龍見立即禁革止循舊規五六兩歲省一千餘金

按里書里差近尤異前里書亂後止存一人每年永遠局量給口食錢文里差任其苛索至有得錢不問正糧甚或毆罵逼命且云供給縣署每日菜蔬及督學署棹椅梳盞諸費更無定數一皆取之於民其爲無額之賦更有甚焉安得復如崔侯者而立爲禁革均與議款酌給口食一蘇吾民哉

張志原民多遷自洪洞農政全書云洪武二十一年戶部郎劉九皋言古狹鄉民遷於寬鄉欲地不失利民有恆業也陝西諸

處自兵後田荒居民少宜徙山東西之民往就耕上曰山東曠土多不必遷遷山西民往業之故田賦戶口皆自洪武二十四年始

張志城中人家有事雇役率臨潼渭南山右之民占踞一方把持勒索習成惡風乾隆二十二年蔡公維勸嚴飭勒石豎於東城之重門二十九年權知縣事龔公元朱重懲厲禁其示諭云雇人力作應聽主便今有土工人等自立工頭各分地界不許攙越凡遇所分界內士庶軍民婚喪役使惟聽工頭把持任意索價必飽其欲而後已若事主別雇他人工頭竟敢登門責問甚至欲行肆毆深可痛恨嗣後任聽事主之便不得分界把持倘敢再蹈前轍定行杖斃邑人壽諸貞珉

西域軍興以來驛馬不敷馳驟歷來遇有差使俱係腳店幫辦脚騾以其坐獲利用也邑中商賈輻輳騎乘最多何難一呼卽至乃店戶谿壑難厯所需無幾藉端搜尋任其牽引得錢縱逸專牽耀州馱煤之驢騾此種貧人無錢可給受其荼毒以致視三原爲畏途裹足不敢進城而城內之煤價騰翔矣乾隆乙酉張公象魏洞燭奸惡嚴諭店戶一切馱煤之人不得混拉支差自是州民源源而來煤價立平

程子曰爲政須有紀綱文章先有司鄉官讀法平價謹權量皆不可闕近歲三原漸多商賈亦當略示之法孔子所謂柔遠人孟子所謂無忘賓旅者固宜加意至如粟炭乃民生日用之物而朱僧姦僞遂於斗稱之間暗施其弊則一出一入爲損匪細是在有心除害之君子必知所以嚴究而痛革之也

邑侯李公瀛禁宰驢說云原之人有習宰驢以爲業者遠近販
取之頗獲其利且馳名於四方詢其故則曰清河水美而割剝
得宜醃貯如法他產不及也邑之南關日有集凡鄰邑之驢有
老疲不勝任者率驅而過焉屠者賤值市之羣鼓刀而屠日或
且數十秋冬爲最多其稱色味之最美且甘者則有湯驢一種
湯驢之法擇驢中之肥臍者繫四足於木椿椿空其中而埋於
地驢足蹈焉不得動再以帛蒙其頭後以沸湯沃其軀軀戰栗
旋伐毛而剝肉焉肉至盡而斃猶伊伊作悲號聲嗚呼忍矣慘
矣孟子曰術不可不慎也蘇子曰食者甚美死者甚苦且律有
私宰之禁彼驢初非天生以供人之口腹者其効用也以畊以
載以乘與馬牛騾等耳筋疲力竭時有仁人者矜之固當善其
死今也他邑不殺而原獨殺之且或殺之極於多且慘彼愚民

誠何知者利在而爭趨之已矣使爲長吏者不是之禁而一任
其日戕物之命而上干天之和而顯違國之禁可乎哉可乎哉
遂出示四門凡驢毋許入城宰賣屠者悉改業違者有罰是非
予之第行不忍於驢也蓋不忍吾境內之專行其殘忍而吾赤
子之日習於慘刻而不覺也且何事不可謀生何物不可充腹
而必於驢是求哉旣爲茲禁用存是說以質後之君子
往者逆回日以宰殺爲事而殺牛之風尤甚今幸此輩殄滅
亂後漸有一二復習屠賣邑侯余公嚴禁方止然恐小民仍
事饕餮此風又煽惟望仁慈長吏預戒而痛懲之則永絕惡
俗亦所以感召和氣之一端也

王端毅公慶善寺記略云寺乃公署是官僚治事之所初非佛
之居也漢明帝時因攝摩騰自西域以白馬馱經來初止於

臚寺因創白馬寺徙經於內止此一寺其後蔓延於晉宋齊梁至魏延昌州郡共一萬三千餘寺今去魏又千餘年天下寺又不知其幾千萬也且佛西域人也足跡未嘗至中國中國之人亦未嘗見佛面徒傳其經不知其經中之言信然否也何以崇信之若是而不惑也然佛法未入中國之前人固有生而有死世固有治而有亂既入中國之後亦然自昔至今舉天下之家崇信佛法而無間然者將以求福田利益也夫人無天地則不能中立而爲人是天地不可不敬也無綱常則不孝不弟不信與禽獸無異是綱常不可不重也無禮法則乖爭陵犯身家不安是禮法不可不守也又當勤以治生儉以自奉內不欺心外不欺人不僭竊不妄爲如此則平安之福不求而自至否則欲無災害也難矣今因求記而告以此是亦與之爲善之意

云

馬忠憲公高陵昭慧院記云院在邑南東偏鄉人所謂三陽寺者是也然有塔則非近代物矣嘉靖開塔基壞就傾邑人銀孟常等修之於是塔固而殿宇亦咸新焉夫塔者何表藏舍利之所卽韓退之所謂佛骨者也佛經所載涅槃之後火禁之餘以三舍利分爲九餅布諸各國以建九塔然皆外國爾其後休屠金人得於去病祭於甘泉則佛入中國之始及夫摩騰入漢羅什譯經誌公在梁圖澄依石達摩渡江元裝取經於是佛教盛行雖天子宰相無不宗師故晉帝聽其不朝梁皇屢爲舍身唐之公卿甘爲弟子聽其說法矣唯韓子闢爲異端其後不應與顯僧深友遂令釋氏之徒立其書券宋興公卿學士多參謁傳流所不附者唯周程張朱數子故其言至今賴焉夫佛氏諸經

亦嘗繙閱其每卷之首有所謂耶輸陀者其妻也摩侯羅者其子也是佛固有妻子矣其語送終父母際亦甚悲痛及語射干教諸天神之說亦多孝弟忠信等語是亦未嘗外吾彝倫之道也後世君相不明遂令父母拜子君后拜臣網淪法斃天下昏惑久矣天厭斯害篤生聖祖創制垂法以立民極於是始令僧道拜其父母此亂極之治其佛氏之道至於良心真切之地亦固合者也今其徒知崇其教知修葺其所而不知省其真切之地以修葺其心而不知依其師說遵我祖訓其亦出不由戶已矣是必卽其地而君之繹者妻之孤者父母之獨者子之修吾孝弟之道以忠信之心雖今此之民卽堯舜之民矣昭慧之僧其思之哉

王道不行佛說不息後世無所以處置之法遂使昏愚窮困

之民盡匍匐歸依於異教以求自養或轉深惡而痛絕之夫非斯人之徒也與哉近世又有耶穌教者較佛尤淺而信從漸多何吾民之易誘脅也君子益思昌黎人其人火其書明先王之道以道之之言矣

溫恭毅公雅約序云此約蓋本海內諸家省儉約而取其切於吾三原者稍更定之也吾三原士半商賈衣飾大率襲吳越廣陵士亦因而化焉余嘸服習先王乃化於商賈可愧也亦可慮也故爲此約名以雅仲尼蓋惡鄭聲之亂雅樂矣夫鄭與雅音耳非如日用好尙爲斯須不可去之禮樂仲尼猶惡其亂豈非以雅則正則平則和則中非雅則邪則越則僭則亂耶邪越則亂將安所不至耶而況日用好尙耶故有國家者匪寡與貧之患而患不均不安且傾安與傾相去遠矣而自均不

不和始甯直有國家者爲然凡士庶旣侈好尙鳴得意均耶此
虛侘僚之眾日從旁側目短氣思攘思逞和耶故雅則安甯之
術不雅則傾危之漸而可不慮耶慮之母如省可已之費爲不
可已之用化相形相軋之習爲相體相卹之風卽不能如畏壘
亦相與追陳仲弓王彥方范希文萬分之一庶此約爲有益之
雅亦可以了吾輩不忍初心不然世方爭自利工若賈猶乘此
易售糊口而又爲谿壑增充物之算耶同心君子亮之

張志邑之舊俗淳樸重士有力者延師於家教其子弟親屬相
顧患難相濟老者衣裘少壯率布衣有事衣紬罕衣緞者康熙
閒邑太常王焯爲五簋約平常宴會食器不過五品肇慶守李
彥瑁爲淡社期於淡泊明志士大夫相率行之

原邑素貴牡丹有一金易一本者劉紹錡感賦云鄭衛風詩已

三原縣新志

卷八

三

煽淫草木流穢自洛陽唐宮移入妃子笑嶮巖蜀道奔三郎亦
如阿麼姿歡樂天以瓊蕊徵妖祥後來戎葵角多少散播萬本
方繁昌朱門購榷築華館疊石高下環雕廊竊春偷煖爛熳折
綵旂繡幄誇濃妝笙歌鼎沸喧俗耳酒肉狼藉充肥腸豪奢能
幾花易主非惟誤國家亦亡韓宏邸第命刷去所以不效兒女
狂昌黎學道賤幻術辨鑄詩句誠荒唐更聞白傅妖花語春街
笑殺奔車忙世人愛此空有眼浪奉稱號何煌煌淺根柔翰極
細小葉粗花大徒敷張遠觀似豔苦無韻近嗅有氣非真香濂
溪賢人子周子以蓮爲說惜未詳吾生寒儉厭華侈欲著花史
閒評量孤山梅妻林處士東籬菊友陶柴桑細別貞脆分雅俗
此種不復煩遮藏舉肥相者應怒我一株方擲千金裝
王端毅公軼事已見傳後然公一代人物雖至微細皆足爲世

法康僖公述一冊今錄七條云公官一品所服朝衣止用赤絹
嘗曰大禹惡衣服而致美乎黻冕自是盛德事若今朝衣必欲
用赤羅則一衣所費多矣或入朝之際爲雨失色則不堪用安
得若干俸錢數數置之絹或失色尙可更爲鮮潔完整乃吾之
所以致美也

公常服止一青布袍浣濯至再不更易惟遇令節吉慶始服錦
繡而所謂錦繡亦不過一二襲而已食不兼味每當下箸時必
嗟嘆再三曰范文正公每食必稱事我今日幹何事而食此耶
公生平不作草書少年寫舉業文義字才如蠅頭無一畫苟雖
千篇如一比登臺省改竄案牘批斷詞狀所書一一端嚴議者
謂公作字如其爲人謝事家居年躋耄耄手錄所著述及一切
文字愈真愈整故見子姓課業後進書牘作草字輒不喜

公撫滇南日所居憲臺自廳事退食堂室之外所謂書房澡室
花院悉鎖識之至改官陪都方啟以示有司

公以南京兵部尙書改官巡撫南畿甫聞邸報武庫郎中以公
任內直官等項阜隸銀送公亟揮出謂郎中曰此物留作部中
修理公用翼日郎中同四司官屬復以送公遽曰若等以我爲
何樣人耶各官竟不敢言其代公者至聞公未受此乃索武庫
取之且嫌不多焉

公謝政後有一通家子在官寄茶一雙公受之後復寄一雙亦
受之但答書云令先君爲時名臣吾子宜清名自律勿替家聲
何勞爲老夫之故數數寄贈吾受之心甚不安此後勿再寄寄
亦不受矣

公看諸家文字見有關世教者便高聲朗誦喜見顏色若篇章

浩瀚辭語豐縛止是吟風咏月誇示纖巧曰此等文字何益於人何補於世東之高閣可也

呂涇野內篇云三十年前風俗尤有古意如三原王都御史先生至京見一閣老以一羊毛口袋爲贄閣老怪之問曰此物何用王先生不以爲輕也答曰這口袋盛米二三十年也不得破當時風俗如此後來禮儀繁厚卻失此意又曰余少聞王先生甚貧與二三友在大學同學躬自炊爨更衣而出後來勳業甚好

蔡虛齋清端毅門下士也其發志錄一條云公嘗問今學者滿天下何故異才難得予對云是固有由上之人所以養之者本未盡其道下之人又幸際時昇平而售之急耳如生稍知章句訓詁人便舉而進之學宮矣未幾作經義甫成篇便得補廩矣

未幾作三場文字便期中舉人中進士矣一中進士則官已到手或無暇於學或自以爲無用學矣其仕而能學者無幾蓋識見既淺踐履必薄規爲必粗非所謂俟其熟而食之者也况自幼小入學多非學做人之實事人才之不如古以此公曰然吾兒子承裕今年二十三丙午年已中舉然吾未欲其急於仕且令靜覽羣書閒閱世務冀他日得實用耳按此段最有益於人

蔡又爲公作介菴記云

太子太保吏部尚書王公家食時嘗命其所居爲介菴以見志及第進士歷官

中外所在爲麟爲鳳爲長城爲砥柱者四十年其於介之一字蓋未始頃步而不與之相周旋也既以南京兵部尚書致仕家居矣天下之望終不舍也今天子連詔起之復居今任則仍其是以命其熟居之所適清觀政吏部也命之記清庸士也其精素所思慕而喜談者獨於公爲甚則於公之是屬也其辱乎哉清嘗竊思之矣自古之有大建立於天下國家者其人皆雄渾闊達吞吐不凡往往身不離乎齋軒几席間而心常行於四方萬里之遠其意度若是乎其遠且大也夫常志乎遠大則宜其於近者容有疎略而不能拘拘屑屑者矣此固中人

以上者所或不免而今也併考其細行所在乃有皆辨別明白
把握堅固其介哉然有不可混者是獨何也論者咸謂其出於
資稟之高加以學力之精到自有非可以庸眾人之情而測量
之者是固然矣然以理言之志於萬里者必不肯略於跬步
古未有耽利肥己苟且模稜而能為天下國家計者蓋有之矣
必不為君子所滿而其所建立必亦有所不為也往迹班班皆
不待稱引而可知已由此言之則其致謹於細微者乃正所以
為遠大之器也故曰人有所不為也而後可以為蓋非獨其
窮之所養可以占其達之所施如其達之日一變塞焉則為達
而離道矣又將何以立事功而慰人望哉故柳下惠不以三公
易其介者非薄乎三公也以一介移焉雖三公亦無用之虛器
也愚意介之一字公所以願終身守之而不間於窮達老壯者
此也雖然介之為字從人從行形兩歧意蓋以象人事之法今
然兩端而不容以相混焉者也此意所該自廣惜六書之法今
不盡傳無可證愚言耳蓋天下無無對之物凡物理所伏皆有
兩歧如是非善惡得失吉凶之類雖一動息一語默之微皆有
之其大則如人才之一消一長紀綱之一弛一張家國天下之
一理一亂一安一危兩者蓋對立焉於是兩者之間誠皆知
所決擇取舍而不使或昧之毫釐以致千里之謬焉則介之在
我者無不得而天下之爭畢矣所以光明吾君阜成吾民而
鞏固吾皇圖又豈假求之一介之外也哉是為記若夫是
菴建置規模之類非大義所關亦非公意所重也皆不書

三原縣新志 卷八

馮少墟疑思錄云三原王康僖公講學其父端毅公督之康僖
之門人為馬谿田當其時家庭之間藹若洙泗師弟之際不愧
伊洛此吾鄉前輩所以為盛

黃梨洲明儒學案云關學大概宗薛氏三原又其別派也其門
下士多以氣節著風土之厚而又加之學問者故端毅康僖谿
田為三原之學

瑯琊漫抄云王公初知揚州折獄咸得其情有老婦嘗誣鄰人
為盜公閱其贓有裙一寬而長一短而窄老婦謂其子婦之裙
鄰人謂其嫂與其妻之裙公詰老婦曰爾一人之裙詎宜有長
短廣狹不同耶遂明其非盜有二人爭牛公給之曰一牛而爭
吾將焉歸命左右曳出之其一人默然一人嘖嘩不已公以與
爭者曰此已物也故恡惜如此人稱神明

聞中今古云王公撫兩浙致政朝廷命馳驛還鄉公每三

先命夫人與家眾投宿民居然後單騎赴驛一切饋遺不受
王漁洋士正池北偶談云王端毅家法甚嚴子孫雖孩提無敢
嬉笑於側盛暑中必使著衣襪始侍左右嘗曰教爾曹讀書非
止爲利達計也正欲使知爲人底道理

劉九畹紹攷雲端毅爲諸生軀幹偉大貌豐而見骨微鬚音如
洪鐘巡按御史過博士率弟子員迓於郊御史於眾中獨偉視
公深結納去再過不見公詢之以下第黜於學使者御史嘆曰
有司不明乃至此乎亟請復之錢牧齋記公在南京時每晚一
蒼頭持椀市油張燈具無二僕也公素不與邱瓊山相能瓊山
謂其子承裕曰霍光傳乃翁須熟讀對曰家君不爲章句一生
惟忠孝二字認得真瓊山色沮

王康僖公行實云先生廣額豐頤鼻如截筒耳垂有珠重頷美

髯貌豐而澤體厚而胖居常威重端嚴若神七歲時常作先師
孔子木主朝夕拜之春秋則於太淑人所取錢十數文具香果
齋而祭之其齋之銘曰齊不齊謹當謹萬物安百神統聖賢我
古來昭齊不齊謹當謹

馬谿田行狀云公調文選司主事本部尙書萬公鏗與公議論
不合公言居官不能盡道不如回家萬云相逢盡道休官去林
下何曾見一人公次日卽上本告歸萬深愧之以故加厚公頻
頻寄書問遺

韋弦自佩錄云馬谿田居家八咏其中有云北堂萱草花將老
愛日頻來笑眼看小窗莫聽黃鸝語踏落荆花滿地飄夢中春
草方吟句釜裏燃蕪莫浪炊漫聽黃臺瓜蔓賦令人卻憶北山
歌嘒嘒鳥喚枝頭上休使鴟來亂好音

嘉田先生嘗講學國泰菴其畱題云俛首三秦入兩眸山明水秀帝王州去來好舉如雲鋪正是橫梁波斷流又題菴中竹軒云隔牕一陣雨拳驕打落桃花半赤條說與東風慢著力新篁手種不堪搖此二詩亦不見集中故錄之

王漁洋詩話云孫豹人卓犖負奇氣一日遊焦山中流遇風賦詩云風起中流浪打船秦人失色海雲邊也知賦命原窮薄尙欲西歸太華眠

王學博袞學古歌書院之名稱學古學古二字皆知否學古學古聖賢心豈但名物與象數讀書無貴取糟粕博約二事宜兼舉立德立功並立言三者不朽德爲主以德立功乃有功無德之言言無取有德卽乏功與言亦自昭昭垂千古古人學古惟明道今人視之爲迂腐古人學古立大節今人學古圖華靡古

今多少學古人屈指傳法有幾許學古無論貴與賤學古無論賢與魯誠意正心爲之本文章功業爲之輔處則學爲君子儒性中良貴榮圭組出則盡瘁於王庭表表朝紳立當亡勳業直與古人齊名譽豈隨流俗伍道德卓然師孔顏經濟不磨追舜禹於斯方稱學古人學者奉之爲規矩余亦學古讀詩書碌碌無成徒攻苦半生浪得一微官自愧於世毫無補養親竊祿莅池陽惕然自顧益慙沮茲日初登學古堂聖賢德貌儼然睹肅容展拜仰冠裳禮樂輝煌列鐘鼓黨塾傳經號得人濟濟英才列兩廡時李生仲梁授徒其中養蒙作聖在初服竊欲勵之知學古學古學古母博名實地工夫宜知樹

著述見各傳刊行前人書籍嘉惠士林有功斯道者亦不可沒且足見邑俗之善李錫齡刻鄉先正諸集如馬谿田集張玉

奏議黃花集來望之自愉堂集來陽伯詩文集來馭仲叢筆
詩文集焦涵一逆旅集奏議馬千里西臺奏議畿南疏草南遊
草四吟稿梁爾升元扈山房集温與恕嶼浮閣詩文集呂涇野
別集叢書三十餘種玩易意見石渠意見學易記周易本義文
徵虛字說戰國策校註雲南機務鈔黃東西洋考會稽三賦注
授經圖京畿金石考雍州金石記北溪字義正蒙會稿宋四子
鈔釋陣記小兒藥證真訣衛生寶鑑書法離鈎六如畫譜格古
要論元城語錄解兩山墨談見物事物紀原書敘指南表異錄
清異錄唐語林世說新語老子集解古文周易參同契注楚辭
補注古文苑呂涇野五經說劉質慧刻諸葛忠武集六卷宗忠
簡集六卷岳忠武集十卷史忠正集四卷朱子綱目原本五十
九卷邵康節擊壤集二十卷真西山心政經兩卷朝邑王仲復
復齋錄六卷李二曲望室錄感一卷劉映菁刻胡敬齋居業錄
文集共七卷養蒙書十種其子昇之刻朱子小學正文六卷近
思錄正文十四卷朱子語類一百四十卷大全文集一百卷續
集五卷別集七卷尹和靖集十卷陳北溪集十四卷周易朱子
本義十二卷啟蒙四卷程朱行狀二卷陸稼書松陽鈔存張蘿
谷四書集疏附正一部論語緒言一卷開知錄十四卷治平大
略四卷備著其目俾覽者易於購求云

同治甲子秋邑侯監利余公開館延子修輯邑志固辭不獲
時當亂後典籍闕如又舊志迄今幾百年事多無考採訪亦
難其人乃以書招楊君梅友於幽爲分纂節義君適以病未
得專功至歲晚書僅及半楊君家尙寄幽亦西歸其明年公
復聘予主講學古書院士方溺俗學不欲聞予說抑以

縣志正誤

摹印既成仍查有誰就板刊補復作正誤一紙使覽者無疑焉

卷六上忠烈王襄傳邑令二句作襄事上蒙

給雲騎尉世職

襲次完時恩騎尉世襲罔替

卷六中孝義劉映蓮傳款下子

作孫 卷七進士李彥珂

單縣知縣

丙辰科無任從律七字削宋士

楷係乙丑舉人房起

紫陽訓導

魏摺儒

直隸候補知縣

貢生史致澐

拔貢刑部員外

郎 王錫祉

廩貢誤入

削捐職李作元

開州吏目

恩蔭王畿輔

廩貢以父襄襲雲騎尉世

職 梁重

庠生以父維先襲雲騎尉世職

補遺又補進士雍正庚戌科慕泰生

乾隆己未科慕豫生

